



KEMENTERIAN PEMBANGUNAN  
USAHAWAN DAN KOPERASI

23 / 2026

## SIARAN MEDIA

### **YB STEVEN SIM LUNCUR 'SELF COLLECTION POINT' SHOPEE PERTAMA PULAU PINANG DI PREMIS KOPERASI**

**SEBERANG PERAI, 14 MAC** – Menteri Pembangunan Usahawan dan Koperasi, YB Steven Sim Chee Keong, hari ini telah melancarkan Self-Collecting Point Shopee di Politeknik Seberang Perai, Pulau Pinang. Inisiatif ini merupakan pusat pengambilan sendiri Shopee pertama seumpamanya di negeri ini yang beroperasi melalui koperasi sekali gus membuka peluang baharu kepada gerakan koperasi untuk turut serta dalam ekosistem ekonomi digital dan logistik e-dagang.

Ia merupakan kerjasama antara Kementerian Pembangunan Usahawan dan Koperasi (KUSKOP), Suruhanjaya Koperasi Malaysia (SKM), Angkatan Koperasi Kebangsaan Malaysia Berhad (ANGKASA), Shopee Malaysia yang turut dijayakan melalui rakan logistik pihak ketiga, SPX Express. Kerjasama ini memperkenalkan peranan baharu kepada gerakan koperasi sebagai pusat pengambilan sendiri (Self Collection Point) bagi bungkusan e-dagang.

Menurut YB Encik Steven Sim Chee Keong, KUSKOP mensasarkan sekurang-kurangnya **100 buah koperasi di seluruh negara menjadi Self Collection Point Shopee menjelang akhir tahun 2026** bagi memastikan manfaat ekonomi digital dapat dinikmati secara lebih inklusif termasuk oleh komuniti di kawasan luar bandar.

Sehingga kini, sebanyak 25 premis koperasi di seluruh negara termasuk dua di Pulau Pinang telah bekerjasama dengan Shopee sebagai Self Collection Point. Selain itu, 61 koperasi di seluruh negara telah menyatakan minat untuk menyertai inisiatif ini dan kini dalam proses saringan oleh pihak Shopee.

Di Pulau Pinang terdapat sekitar 819 koperasi dengan 171,713 anggota dengan nilai aset berjumlah RM1.29 bilion. Ia sekaligus mencerminkan potensi besar gerakan koperasi di negeri ini untuk terus diperkasakan dalam menyokong pembangunan ekonomi digital.

**KEMENTERIAN PEMBANGUNAN USAHAWAN DAN KOPERASI**  
**14 MAC 2026**

## **MENGENAI KUSKOP**

Kementerian Pembangunan Usahawan dan Koperasi (KUSKOP) merupakan kementerian yang bertanggungjawab mewujudkan ekosistem keusahawanan yang holistik dan kondusif bagi menyokong pembangunan sosioekonomi negara yang inklusif, seimbang dan mampan. Fungsi utama KUSKOP adalah menetapkan hala tuju pembangunan keusahawanan negara dan membudayakan nilai serta minda keusahawanan dalam masyarakat Malaysia.

### **Agensi - Agensi dibawah KUSKOP**

<b>BIL</b>	<b>AGENSI</b>	<b>FUNGSI</b>
1.	Suruhanjaya Koperasi Malaysia (SKM)	Agensi pembangunan dan kawal selia sektor koperasi
2.	Institut Koperasi Malaysia	Institut latihan bagi pembangunan dan pendidikan koperasi
3.	SME Corp	Agensi pembangunan Perusahaan Mikro, Kecil Sederhana (PMKS)
4.	TEKUN Nasional	Agensi pembiayaan mikro dan perkhidmatan sokongan keusahawanan
5.	Institut Keusahanan Negara (INSKEN)	Agensi pembangunan kapasiti keusahawanan
6.	Bank Rakyat	Institusi kewangan yang menyediakan skim pembiayaan keusahawanan dan Perusahaan Kecil Sederhana (PKS)
7.	SME Bank	Institusi kewangan pembangunan bagi perusahaan kecil dan sederhana
8.	UDA Holdings Berhad	Agensi pembangunan hartanah dan pengurusan aset
9.	PERNAS	Agensi pembangunan industri francais
10.	Amanah Ikhtiar Malaysia	Agensi pembiayaan dan fasilitasi keusahawanan kepada golongan berpendapatan rendah